

Headline **Penyelidik UiTM raih pingat**
Date **12. May 2008**
Media Title **Harian Metro**
Section **Variasi**
Circulation **336603**
Readership **2192000**

Language **MALAY**
Page No **6**
Article Size **206** cm2
Frequency **Daily**
Color **Full Color**



Penyelidik UiTM raih pingat



BANGGA...barisan penyelidik meraikan kejayaan yang membanggakan UiTM dan negara.

SEMBILAN penyelidik Universiti Teknologi Mara (UiTM) mengharumkan nama institusi itu apabila memenangi dua pingat emas, lima perak dan dua gangsa di pertandingan Reka Cipta di Geneva, Switzerland, baru-baru ini.

Pertandingan berprestij itu bagi mempromosikan produk penyelidikan daripada penyelidik dari seluruh dunia.

Delegasi UiTM yang diketuai ketua perundangan (Kewangan), Institut Pembangunan Penyelidikan dan Pengkomersialan, Dr Radiah Othman, mempamerkan sembilan produk daripada barisan penyelidik baru.

Kemenangan itu meletakkan UiTM antara institusi pengajian tinggi yang banyak memenangi pingat.

Menurut Dr Radiah, meskipun barisan penyelidik UiTM masih baru, ia memberi suntikan semangat memperbaiki kelemahan dan meningkatkan usaha.

"Pencapaian ini membanggakan apatah lagi dirangkul barisan penyelidik baru.

"Kejayaan ini membuktikan kebolehan kita bersaing di peringkat global," katanya.

Universiti tempatan lain yang menyertai pertandingan itu ialah Universiti Teknologi Malaysia yang memperoleh satu emas, tiga perak dan tiga gangsa serta satu Anugerah Khas, Universiti Putra Malaysia (satu emas,

tiga perak dan satu gangsa), Universiti Utara Malaysia (dua perak dan satu gangsa) dan Universiti Malaysia Perlis (satu emas dan dua perak).



GEMBIRA...penyelidik dari Fakulti Sains Gunaan, Shahril Anuar Bahari memenangi pingat emas menerusi penyelidikan Bio-Composite Panel Board Made from Bamboo.